

mis läbe durenand – katie bee

du bringsch mis läbe durenand
alles isch i sine bahne gloffe
und uf eimal stelli alles in frag

du bringsch mis läbe durenand
sött dir us em wäg gah
aber das halti eifach nöd us

merksch du eigentlich
wien ich dich astarr?
weisch du eigentlich
dass ich vo dir träume?

willsch du eigentlich
dass ich dir das säge?
was söll das eigentlich
wärum hört das nöd uf?

ich bin gar nöd z'ha
ich bin gar nöd frei
sött d'finger vor dir lah

sött äntlich zur rueh cho
will susch wänni alt bin
hocki da, verlasse und ällei

wärum weiss ich nöd
was du vo mir tänksch
wärum willsch mich nöd
oder willsch mich doch

wärum frög ich das alles
es isch nöd richtig
vilicht hört das
ja bald emal uf?